



ԳԼՈՒԽ 8

ՍԵՌԱԿԱՆ

ԱՌՈՂՋՈՒԹՅՈՒՆ

Սեռական ճանապարհով փոխանցվող վարակիչ հիվանդությունների, այդ թվում՝ ՄԻԱՎ-ի կանխարգելումը

Սեռական առողջությունը ֆիզիկական և հոգեկան բարեկեցության բաղկացուցիչ մասն է, որը թույլ է տալիս վայելել և արտահայտել մեր սեռական զգացողությունները: Կարող ենք պահպանել սեռական առողջությունը՝ տեղեկանալով մեր մարմնի և այն մասին, թե ինչն է մեզ հաճույք պատճառում՝ կանխելով անցանկալի հղիությունն ու սեռական ճանապարհով փոխանցվող վարակիչ հիվանդությունները:

Որոշ համայնքներում, կանանց մասին սխալ կարծիքների պատճառով, դժվարանում է առողջ սեռական հարաբերություն ունենալու հնարավորությունը: Քանի որ կանայք իրենց սեռական կյանքին վերաբերող հարցերում քիչ վերահսկողություն ունեն, ուստի հաճախ չեն կարողանում մերժել սեռահարաբերությունը, և ողջ աշխարհում միլիոնավոր կանայք վարակվում են ՄԻԱՎ-ով և սեռական ճանապարհով փոխանցվող այլ հիվանդություններով:

Մարդիկ հաճախ կարծում են, թե հաշմանդամություն ունեցող կանայք չեն վարակվում որևէ հիվանդությամբ: Իրականում այդպես չէ: Նրանց ևս կարող են փոխանցվել նույն վարակները, ինչպես բոլոր կանանց:

Իրականում հաշմանդամություն ունեցող կանանց և աղջիկների՝ ՄԻԱՎ-ով վարակվելու վտանգն ավելի մեծ է, քան մյուսների: Դրա պատճառը ոչ միայն սեռական դաստիարակության պակասն է, այլև այն, որ հաճախ չեն կարող վերահսկել, թե ինչ եղանակով և ում հետ են ունենում սեռական հարաբերություններ: Սա նրանց ավելի խոցելի է դարձնում սեռական բռնության նկատմամբ, և սեռական ճանապարհով փոխանցվող հիվանդություններով, այդ թվում՝ ՄԻԱՎ-ով, վարակվելու հավանականությունն ավելի է մեծանում: Նրանց նկատմամբ սեռական բռնության մասին մանրամասները՝ գլուխ 14-ում:

Այս գլխում տեղեկություններ են ներկայացված ՄԻԱՎ/ՁԻԱՀ-ի, սեռական ճանապարհով փոխանցվող այլ հիվանդությունների և դրանց կանխարգելման մասին: Լավ տեղեկատվության միջոցով կանայք կարող են քայլեր ձեռնարկել՝ ինքնապաշտպանվելու և առողջ սեռական հարաբերությունից հաճույք ստանալու համար:

Ի՞նչ է սեռական ճանապարհով փոխանցվող վարակը

Սա հիվանդություն է, որը փոխանցվում է սեռական տարատեսակ հարաբերությունների միջոցով:

8
ՊԱՇՏՊԱՆԱԿԱՆ ԱՌՈՂՋՈՒԹՅՈՒՆ

Չբուժված հիվանդությունները վրանգավոր են

Սեռական ճանապարհով փոխանցվող վարակիչ հիվանդություններից մի քանիսը ենթակա են դեղորայքային բուժման: Դրանք ժամանակին չբուժելու դեպքում կարող են պատճառ դառնալ տղամարդկանց և կանանց անպտղության, վաղ ծննդաբերության, փոքր քաշով կամ կույր երեխաների ծնվելու, փողի մեջ զարգացող հղիության: Առաջացնում են տևական ցավ որովայնի խոռոչում, արգանդի վզիկի քաղցկեղ, իսկ սուր բորբոքման դեպքում կարող են հասցնել մինչև իսկ մահվան:



Սեռական ճանապարհով փոխանցվող վարակիչ հիվանդությունների նախանշաններ

Ըստ հետևյալ նշանների՝ կարող եք պարզել՝ ունե՞ք սեռական ճանապարհով փոխանցվող հիվանդություն.

- անսովոր արտադրություն հեշտոցից,
- տարօրինակ հոտ,
- ցավ կամ այլ զգացողություններ որովայնի խոռոչում և հեշտոցում,
- հարաբերությունից առաջացած քոր, ցան, ուռուցք կամ վերք սեռական օրգանների վրա:

Հաշվի առնելով ձեր հաշմանդամության տեսակը՝ հնարավոր է՝ այս նշանների ստուգման հարցում դժվարություններ առաջանան: Այդ դեպքում ձեզ անհրաժեշտ կլինի ինչ-որ մեկի օգնությունը:

Հեշտոցի արտադրության փոփոխություններ

Ոչ շար խոնավությունը կամ արտադրությունը բնական են: Այդ եղանակով հեշտոցը մաքրվում և պաշտպանվում է: Դաշտանային պարբերաշրջանում արտադրությունը ենթարկվում է փոփոխության, դառնում ավելի մածուցիկ, շար քափանցիկ և լարծուն՝ չէր դաշտանից մոտավորապես 14օր առաջ: Քանակի, գույնի և հոտի փոփոխությունից կարելի է հասկանալ, որ բորբոքում կա, բայց արտադրությունից դժվար է եզրակացնել, թե վարակի ինչ տեսակ է առկա:

Ինչպե՞ս ստուգել սեռական ճանապարհով փոխանցվող վարակների նախանշանները

Եթե դուք կույր եք. Սեռական օրգանների լվացում կատարելիս մատների միջոցով փորձեք պարզել՝ կա՞ որևէ անսովոր արտադրություն, գոյացություն կամ գրգռվածություն: Այդ գործողությունը կատարեք շաբաթը մեկ անգամ, քանի որ ամենօրյա զննության դեպքում դժվար է որևէ փոփոխություն նկատելը:



Ձեր ձեռքերն ունեն շարժման սահմանափակում, կամ ընդհանրապես չեք կարող շարժել. Եթե ձեր մատների միջոցով հնարավոր չէ ստուգել սեռական օրգաններում կատարվող փոփոխությունները, ապա կարող եք օգտագործել հայելի՝ դրանց առկայությունը պարզելու համար: Հայելին բռնել չկարողանալու դեպքում դրեք հատակին և կռացեք դրա վրա:

ՄԱՌՈՉ ԼԻՆԵՆՈՒ ԻՍ ԻՐԱՎՈՒՆԵՐ

Ունեք ողնաշարի վնասվածք. Եթե կարող եք զգալ և զննել ձեր սեռական օրգանները, ապա դա կատարեք շաբաթը մեկ անգամ՝ լողանալու ընթացքում: Անհրաժեշտության դեպքում խնդրեք վստահելի մեկին, որ օգնի ձեզ: Գուք, հավանաբար, ի վիճակի չեք լինի՝ ստուգելու որովայնի ցավն ու սեռական օրգաններում քորի առկայությունը: Բայց եթե ունեք սեռական օրգանների բորբոքում, ապա ժամանակին չբուժելու դեպքում այն կարող է առաջացնել դիզբեֆլեքսիա: Սա վտանգավոր է:

Գլխարանում կամ ընդհանրապես չեք կարողոզանում շարժել ձեր ոտքերը. Հնարավորության դեպքում ընտրեք այնպիսի դիրք, որ լողանալիս շոշափեք ձեր սեռական օրգանները կամ հայելու միջոցով կարողանաք զննել դրանք: Անհրաժեշտության դեպքում խնդրեք, որ վստահելի մեկը ձեր ոտքերը պահի անշարժ դիրքով:

Տրիխոմոնիազ

Սա շատ անհարմարություններ և քոր առաջացնող վարակ է: Տղամարդկանց օրգանիզմում դրա առկայությունը որևէ նախանշան չունի, բայց կարող է պահպանվել առնանդամում և սեռական ճանապարհով փոխանցվել կնոջը:

Նախանշաններն են՝

- մոխրագույն կամ դեղին փրփրուն արտադրություն,
- տհաճ հոտով արտադրություն,
- քոր և կարմրություն հեշտոցում և սեռական օրգաններում,
- ցավ և այրոց՝ միզելիս:

Եթե հնարավոր է զննությամբ հաստատ համոզվել, որ ունեք տրիխոմոնիազ, ապա ընդունեք նշված դեղամիջոցներից որևէ մեկը:

Գոնոռեա և քլամիդիոզ

Սրանք երկուսն էլ լուրջ բորբոքումներ են: Հայտնաբերման վաղ շրջանում հեշտությամբ կարելի է բուժել: Հակառակ դեպքում կարող են առաջացնել սուր բորբոքում, պատճառ դառնալ կանանց և տղամարդկանց անպտղության: Տղամարդու օրգանիզմում նախանշաններ ի հայտ են գալիս վարակված անձի հետ սեռական հարաբերություններ ունենալուց հետո՝ 2-5 օրվա ընթացքում: Իսկ կինն այդ նշանները կարող է զգալ շաբաթներ, նույնիսկ՝ ամիսներ անց: Այն մարդիկ, ովքեր դեռևս ոչինչ չեն հայտնաբերել, կարող են մյուսներին փոխանցել և՛ գոնոռեան, և՛ քլամիդիոզը:

Կանանց օրգանիզմում առաջացող հիմնական նախանշաններն են՝

- հեշտոցից կամ հետանցքից դեղին կամ կանաչ արտադրություն,
- ցավ կամ այրոց՝ միզելիս,
- ջերմություն,
- ցավ որովայնի խոռոչում,
- արյունահոսություն կամ ցավի զգացողություն՝ սեռական հարաբերություններ ունենալիս,
- ոչ մի նախանշան:



Տղամարդկանց հիմնական նախանշաններն են՝

- արտադրություն առնանդամից,
- ցավ և այրոց՝ միզելիս,
- այտուց և ցավ ամորձիներում,
- ոչ մի նախանշան:



8
ՊՍԵՎՍԻՍԱՄԱՆ ԴՊԻՊՈԴՆ
ՍԵՌԱԿԱՆ ԱՌՈՂՁՈՒԹՅՈՒՆ

Բուժում

Եթե ձեր օրգանիզմում նկատվում են գոնոռեայի կամ քլամիդիոզի նախանշաններ՝ վարակված մեկի հետ առանց պաշտպանվելու սեռական հարաբերություն ունենալուց հետո, ապա անցեք զննություն՝ պարզելու, թե ինչ բորբոքում ունեք, և ինչ դեղամիջոցներ կարելի է ընդունել:

Յավոք, թեստերը միշտ չէ, որ հասանելի են, ուստի ավելի լավ է ընդունել մի քանի բորբոքման դեմ նախատեսված դեղամիջոցներ: Անձը կարող է ունենալ մեկից ավելի բորբոքում՝ գոնոռեա և քլամիդիոզ, մասնա՝ տրիխոմոնիազ և բակտերիալ վագինոզ:

Սեռական ներքին օրգանների բորբոքումներ

Այս բորբոքումներն իրենց մեջ ներառում են բոլոր այն հիվանդությունները, որոնք կապված են կնոջ որովայնի ստորին շրջանում գտնվող վերարտադրողական օրգանների հետ: Սրանք հաճախ կոչվում են «կանացի բորբոքում»: Սեռական ներքին օրգանների բորբոքումը կարող է առաջանալ սեռական ճանապարհով փոխանցվող վարակի չբուժման դեպքում, հատկապես՝ գոնոռեայի և քլամիդիոզի:

Դուք կարող եք ունենալ այս նախանշաններից որևէ մեկը կամ մի քանիսը՝



- ցավ որովայնի խոռոչում,
- բարձր ջերմություն,
- թուլություն և վատ ինքնազգացողություն,
- կանաչ կամ դեղին, տհաճ հոտ ունեցող արտադրություն հեշտոցից,
- հեշտոցային հարաբերության դեպքում՝ ցավ կամ արյունահոսություն:

Վերքեր սեռական օրգանների վրա (խոցեր)

Վերքերի և խոցերի մեծ մասը կարող է փոխանցվել սեռական ճանապարհով, բայց պառկելախոցերը, բշտիկները և վնասվածքները նույնպես վերքեր են առաջացնում սեռական օրգանների վրա: Ցանկացած վերք պետք է մաքուր պահել, լվանալ օճառով և մաքուր ջրով, խնամքով չորացնել: Կտորը, որով չորացրել եք վերքը, լվացրեք՝ նախքան ձեր կամ ինչ-որ մեկի նորից օգտագործելը:

Զգուշացում. Եթե որևէ մեկի սեռական օրգաններում կա վերք, ապա դրա միջոցով ավելի է հեշտանում մեկ այլ բորբոքման, հատկապես՝ ՄԻԱՎ-ի և հեպատիտ B-ի փոխանցումը: Բորբոքումը կանխելու համար՝ մինչև վերքերի լավանալը, խուսափեք սեռական հարաբերությունից:

Սիֆիլիս

Սա սեռական ճանապարհով փոխանցվող լուրջ հիվանդություն է, որն ազդում է ողջ մարմնի վրա: Այն կարող է լինել երկարատև և ընթացքում ավելի բարդանալ: Վաղ շրջանում ենթակա է բուժման:

Նախանշաններն են.

- Առաջին նշանն է՝ փոքր, անցավ վնասվածք, որն ունի պզուկի, բշտիկի, տափակ ու խոնավ կամ բաց վերքի տեսք: Այն մնում է միայն մի քանի օր և առանց որևէ միջամտության՝ անհետանում: Բայց հիվանդությունը շարունակում է տարածվել ողջ մարմնով:
- Շարաթներ կամ ամիսներ անց բորբոքում ունեցող անձի կոկորդում և բերա-

Վերքեր սեռական օրգանների վրա

Սրանք առաջանում են մարդկային պապիլոմա կոչվող հարուցիչից և մարմնի այլ մասերի վրա ունեն վերքերի տեսք: Հնարավոր է, որ կրեք տվյալ հարուցիչը, բայց տեղյակ չլինեք դրա մասին, հատկապես, եթե գտնվում են արգանդի ներքին մասում կամ առնանդամի տակ: Մարդկային պապիլոմայի վիրուսակիրների վրա երբեք չեն առաջանում վերքեր: Դրանք կարող են լավանալ առանց բուժման, բայց կպահանջվի երկար ժամանակ: Սովորաբար այդ վերքերը ժամանակի ընթացքում ավելի են բարդանում և ունեն բուժման կարիք: Սեռական հարաբերության ժամանակ հեշտությանը փոխանցվում են մեկից մյուսին:

Կարևոր է. Սեռական օրգաններում առաջացած վերքերի չբուժման դեպքում դրանց որոշ մասը կարող է արգանդի վզիկի քաղցկեղի պատճառ դառնալ: Եթե սեռական օրգաններում վերքեր ունեք, փորձեք անցնել Պապ (Pap) թեստ՝ համոզվելու՝ ձեր արգանդի վզիկի վրա կա՞ն մարդկային պապիլոմա հարուցիչ կամ քաղցկեղի նախանշաններ, թե՞ ոչ:

Մարդկային պապիլոմա վիրուսի նախանշաններն են՝

- քոր,
- անցավ, սպիտակավուն կամ շագանակագույն կոշտ մակերես ունեցող գոյացություններ:

Վերքեր կանանց սեռական օրգաններում

Այս գոյացություններն հիմնականում առաջանում են հեշտոցի ներքին մասում, հեշտոցամուտքի և հետանցքի մաշկային ծալքերի վրա:

Տղամարդկանց վերքեր

Հիմնականում առաջանում են առնանդամի վրա կամ հենց դրա ներքին մասում՝ ամորձիների կամ հետանցքի վրա:

Բուժում

Վերքերի բուժման համար նախատեսված միջոցները կարելի է գտնել դեղատներում:

1. Օգտագործեք վազելին կամ այլ յուղային քսուքներ՝ շրջակա առողջ մաշկը պաշտպանելու համար:
2. Փոքր փայտիկի կամ ատամփորիչի օգնությամբ 80-90%-անոց տրիքլորացետիկ (TCA) կամ բիխլորացետիկ թթուների (BCA) լուծույթը տարածեք վերքերի վրա: Այն թողեք այնքան ժամանակ, մինչև վերքերը դառնան սպիտակավուն:
3. Լվացրեք 2 ժամից կամ ավելի շուտ, եթե այրոցի զգացողությունը շատ մեծ է:

Կամ՝

Տարածեք պոդոֆիլինի 20%-անոց լուծույթը նույն եղանակով, մինչև վերքերը չդառնան շագանակագույն: Այն պետք է լվանալ 6 ժամից:

Լուծույթը պետք է այրի վերքը՝ թողնելով ցավոտ հետք այն հատվածում, որտեղ այն եղել է: Վերքերը պահեք չոր և մաքուր: Հետքը պետք է անցնի 1 կամ 2 շաբաթվա ընթացքում: Հետևեք, որպեսզի դրանք չբորբոքվեն: Փորձեք խուսափել սեռական հարաբերություններից՝ մինչև վերքերի լավանալը, բայց եթե որոշում եք ունենալ, ա-պա ձեր գուրնկերը պետք է օգտագործի պահպանակ:

Սովորաբար մի քանի բուժումներ են անհրաժեշտ՝ վերքերի լիարժեք բուժման համար (կարևոր չէ, թե որ լուծույթն էք օգտագործում): Մեկ շաբաթից կարող եք կրկնել բուժումը: Աշխատեք, որ թթվային լուծույթը չտարածվի վերքի հետքի վրա: Եթե գրգռվածությունը մեծ է, նախքան բուժման մյուս փուլին անցնելը, անհրաժեշտ է ավելի երկար սպասել:

Հղիությունը և վերքերը

Խուսափեք հղիության ընթացքում օգրագործել պողոֆիլին: Այն կներծծվի ձեր մաշկի մեջ և կվնասի զարգացող երեխային: Վերքերը կարող են տարածվել և արյունահոսել, բայց չվնասել փոքրիկին: Երբեմն հղիությունից հեղու դրանք ավելի են փոքրանում:



Հեպատիտներ (դեղնախտ, դեղին աչքեր)

Հեպատիտը լյարդի բորբոքումն է, որը սովորաբար առաջանում է հարուցիչի պատճառով, բայց կարող է լինել նաև մանրէների, ալկոհոլի և քիմիական բուժանվորման հետևանքով: Գոյություն ունի հեպատիտի 3 հիմնական տեսակ՝ A, B և C: Դրանք փոխանցվում են մեկից մյուսին, անկախ այն փաստից՝ հիվանդության նախանշաններն ի հայտ եկե՞լ են, թե՞ ոչ:

Հեպատիտ A-ն սովորաբար ավելի մեղմ է երեխաների և հաճախ ավելի բարդ՝ մեծերի և հղի կանանց շրջանում:

Հեպատիտ B-ն վտանգավոր է բոլորի համար: Այն կարող է առաջացնել լյարդի չբուժվող հիվանդություն, քաղցկեղ, մինչև իսկ հանգեցնել մահվան: Եթե դուք հղի եք և նկատում եք հեպատիտ B-ի նախանշաններ, ապա անհապաղ դիմեք բժշկի:

Հեպատիտ C-ն նույնպես վտանգավոր է և կարող է առաջացնել լյարդի անբուժելի բորբոքումներ: Այն ՄԻԱՎ/ՉԻԱՀ-ի վարակակիրների մահվան հիմնական պատճառն է:


Նախանշաններն են՝

- հոգնածություն և թուլություն,
- ախորժակի բացակայություն,
- դեղնություն աչքերում կամ մաշկի վրա (հատկապես՝ ձեռքերի ափերում և ներքաններին),
- սրտխառնոց կամ ցավ որովայնում,
- մեզի մուգ գույն և սպիտակավուն կղանք,
- երբեմն՝ ջերմություն,
- ոչ մի նախանշան:

Բուժում

Չկա օգնող ոչ մի դեղամիջոց: Որոշ դեղամիջոցների օգտագործումը կարող է ավելի վնասել լյարդը:

Հանգստացեք և ընդունեք հեղուկի մեծ քանակություն: Եթե չունեք ուտելու ցան-



8
ՊԱՇՏՊԱՆԱԿԱՆ ԱՊՈՂՅՆՈՒԹՅՈՒՆ

կություն, ապա փորձեք խմել տարբեր մրգերից կամ բանջարեղենից պատրաստված հյութեր, արգանակ: Սրտխառնոցը կանխելու համար փոքր կումերով խմեք կոլա կամ այլ գովազուցիչ ըմպելիք: Բուսական թեյերը նույնպես կարող են օգնել,



օրինակ՝ երիցուկի: Համայնքի տարեց կանանցից հարցրեք, թե որ բույսն է ավելի օգտակար:

Երբ ունենում եք ուտելու ցանկություն, խորհուրդ չի տրվում ընդունել սպիտակուցների մեծ քանակություն պարունակող կենդանական ծագում ունեցող սնունդ (մսամթերք, ձկնեղեն, հավկիթ), քանի որ այն ծանրաբեռնում է վնասված

լյարդը: Խուսափեք նաև կենդանական ճարպով կամ բուսական յուղով պատրաստված մթերքներից: Փոխարենը փորձեք հիմնականում օգտագործել սպիտակուցների քիչ քանակությամբ մրգեր, թարմ կամ շոգեխաշած

բանջարեղեն: Առնվազն 6 ամիս արգելվում է ալկոհոլի գործածումը:

Կանխարգելումը

Ե՛վ հեպատիտ B-ն, և՛ C-ն կարող են փոխանցվել սեռական ճանապարհով, ոչ մանրէազերծ ներարկիչների օգտագործման, վարակված արյան փոխներարկման դեպքում, ինչպես նաև ծննդաբերության ժամանակ՝ մորից՝ երեխային: Հեպատիտի փոխանցումը կանխելու համար սեռական հարաբերությունների ժամանակ միշտ օգտագործեք պահպանակ և համոզվեք, որ ասեղները, ներարկիչները, կտրվածքներ և մաշկի փիրսինգ կատարող գործիքները (ինչպիսիք են տատուի, թլպատման և կանանց սեռական օրգաններում կտրվածք անող) օգտագործումից առաջ եռացվել են:

Հեպատիտ A-ի հարուցիչը փոխանցվում է, երբ մեկի կղանքը հայտնվում է այլ անձի օրգանիզմում, այն տեղի է ունենում ջրի և սննդի վարակման միջոցով: Այս երևույթը կանխելու համար անհրաժեշտ է վարակված անձի կղանքը դատարկել զուգարանակոնքի մեջ կամ թաղել հողում: Համոզվեք, որ վարակված անձը շատ մաքուր է: Նա, ընտանիքի անդամները, խնամակալները պետք է պահպանեն մաքրության կանոնները:

Հեպատիտ A-ի և B-ի դեմ գործածվող պատվաստանյութերն այժմ հասանելի են, բայց դրանք կարող են շատ թանկարժեք լինել և, հնարավոր է, ոչ մատչելի՝ բոլոր վայրերում: Եթե կարողանաք պատվաստվել հղիության ընթացքում, ապա այն կկանխի հարուցիչի փոխանցումը երեխային:

Ի՞նչ անել, եթե չեք օրգանիզմում հայտնաբերվել է սեռական ճանապարհով փոխանցվող բորբոքում

- Անմիջապես սկսեք բուժումը: Այն կկանխի հետագա լուրջ խնդիրների առաջացումը և դրանց փոխանցումն այլ անձանց:
- Հնարավորության դեպքում անցեք զննություն: Դիմեք բուժհիմնարկ կամ հիվանդանոց, որտեղ կարող եք իմանալ, թե ինչ բորբոքում ունեք: Այս դեպքում չեք ընդունի ոչ անհրաժեշտ դեղամիջոցներ: Փորձեք բուժման մասին գրուցել փորձառու բուժաշխատողի հետ:



ՄԹՂՍԻՏԻՆԵՆԻ ԻՍ ԻՐԱՎՈՒՆԵՐՈՒՄ

- Օգնեք, որ ձեր գուգրնկերը բուժվի ձեզ հետ միաժամանակ: Հակառակ դեպքում, սեռական հարաբերության ընթացքում նա հարուցիչը նորից կփոխանցի ձեզ: Հետամուտ եղեք, որ ընդունի դեղորայքը և այցելի բուժաշխատողի:
- Ընդունեք նշանակված ողջ դեղորայքը՝ նույնիսկ ձեր վիճակի բարելավման դեպքում: Գնեք այն ամբողջական չափաբաժնով, քանի որ դուք (կամ ձեր գուգրնկերը) չեք բուժվի, եթե ավարտին չհասցնեք բուժման ողջ փուլը:
- Փորձեք ունենալ ապահով սեռական հարաբերություններ: Չպաշտպանվելու դեպքում հեշտությամբ կարող եք վարակվել այլ բորբոքումով:

Ի՞նչ է ՄԻԱՎ/ՉԻԱՀ-ը

ՄԻԱՎ-ը (Մարդու իմունային անբավարարության վիրուս) միկրո-օրգանիզմ է, որը թուլացնում է իմունային համակարգը՝ օրգանիզմի այն մասը, որը պայքարում է վարակների և բորբոքումների դեմ: ՄԻԱՎ-ի փոխանցման ամենատարածված եղանակը սեռական հարաբերությունն է: Եթե տղամարդը հարուցիչը փոխանցում է հղի կնոջը, կամ եթե վերջինս արդեն վարակված է այդ հիվանդությամբ, ապա այն կարող է երեխային վնասել նաև հղիության և ծննդաբերության ընթացքում կամ կրծքով կերակրելիս:



ՉԻԱՀ-ը (Չեռքբերովի իմունային անբավարարության համախտանիշ)

հիվանդություն է, որը զարգանում է ՄԻԱՎ-ով վարակվելուց որոշ ժամանակ անց: Սովորաբար ՉԻԱՀ-ով հիվանդ է համարվում այն անձը, ով սովորականից հաճախ է ունենում ընդհանուր առողջական խնդիրներ: Որոշ նախանշաններն են՝ քաշի կորուստ, չբուժվող վերքեր, ծանր հազ, քրտնարտադրություն գիշերվա ընթացքում, փորլուծություն, մաշկային ցան, ջերմություն, արտադրություն հեշտոցից կամ մշտական հոգնածության զգացողություն: Այս խնդիրներից յուրաքանչյուրն ունի տարբեր պատճառներ: Դուք չեք կարող ստույգ իմանալ ՄԻԱՎ/ՉԻԱՀ-ի առկայության մասին, մինչև չանցնեք արյան հատուկ թեստ:

Քանի որ ՄԻԱՎ-ով վարակակրի իմունային համակարգը հետզհետե թուլանում է յուրաքանչյուր հիվանդությունից, ուստի մարդու օրգանիզմն անկարող է դառնում՝ հիվանդության դեմ պայքարելու և այն հաղթահարելու հարցում: Սա շարունակվում է մինչև օրգանիզմի իսպառ թուլացումը, և հիվանդը մահանում է: Բոլորն էլ կարող են վարակվել ՄԻԱՎ/ՉԻԱՀ-ով՝ անկախ հաշմանդամությունից:

ՄԻԱՎ-ով վարակվելուց հետո որոշ մարդիկ շատ շուտ մահանում են ՉԻԱՀ-ից: Բայց ոմանց մի քանի տարի է անհրաժեշտ՝ դրանով վարակվելու համար: Սա նշանակում է, որ անձը կարող է հիվանդ լինել ՄԻԱՎ-ով, բայց չիմանալ դրա մասին՝ լավ ինքնազգացողության պատճառով: Անկախ դրանից՝ վարակվելուց անմիջապես հետո նա կարող է հարուցիչը փոխանցել այլ անձի: Վարակված լինելու փաստը հաստատելու միակ եղանակն արյան թեստ անցնելն է: Սա կարելի է կատարել շատ բուժիմանարկներում և հիվանդանոցներում:

Հակառեպրովիրալներ կոչվող դեղամիջոցներն օգնում են ՄԻԱՎ/ՉԻԱՀ-ի վարակակիր անձանց՝ ապրելու ավելի երկար և առողջ կյանքով: Սրանք չեն վերացնում ՄԻԱՎ-ը և չեն բուժում ՉԻԱՀ-ը, բայց թեթևացնում են վարակակիրների կյանքը: Հղի կանանց դեպքում հակառեպրովիրոսային դեղամիջոցները կանխում են հիվանդության փոխանցումը մորից երեխային: Յավոք, այս դեղամիջոցները շատ քանակարժեք են, և որոշ երկրներում դրանք ձեռք բերելը կարող է շատ դժվար լինել:

8 ՊԱՇՏՊԱՆԱԿԱՆ ԱՊՈՂՁՈՒԹՅՈՒՆ

Ի՞նչ եղանակով է տարածվում ՄԻԱՎ/ՉԻԱՀ-ը

ՄԻԱՎ/ՉԻԱՀ առաջացնող հարուցիչը գործում է ՄԻԱՎ-ի վարակակիր անձանց մարմնի որոշ հեղուկներում, ինչպիսիք են արյունը, տղամարդկանց սերմնահեղուկը և կանանց հեշտոցային հեղուկը: Այն տարածվում է, երբ վերջիններս փոխանցվում են մարմնի մեջ: ՄԻԱՎ-ը կարող է տարածվել.

Վարակակրի հետ սեռական հարաբերություն ունենալիս, եթե նա չի օգտագործում պահպանակ:

Ոչ մանրէազերծ ասեղներ կամ գործիքներ օգտակարում են մաշկը կամ փիրսինգ են կատարում:

Երբ վարակված արյունը լցվում է մեկ այլ անձի մաշկի կտրվածքի կամ բաց վերքի մեջ:

Վարակված մորից երեխային՝ հղիության, ծննդաբերության կամ կրծքով կերակրելու ընթացքում:



Այն վայրերում, որտեղ չի կատարվում արյան ստուգում, մարդկանց ՄԻԱՎ կարող է փոխանցվել վարակված արյան փոխներարկման դեպքում:

Ի՞նչ եղանակով չի տարածվում

ՄԻԱՎ-ը մարդկային մարմնից դուրս գործում է միայն մի քանի բույս: Այն չի կարող ինքնուրույն պահպանվել օդում կամ ջրում: Սա նշանակում է, որ դուք չեք փոխանցի կամ կրի ՄԻԱՎ՝

- շոյելիս,
- գրկախառնվելիս կամ համբուրվելիս,
- նույն սննդամթերքներից օգտվելիս,
- նույն անկողնում պառկելիս,
- միմյանց հագուստից, անկողնային պարագաներից կամ նույն զուգարանից օգտվելիս,
- միջատների խայթոցից:



Շփումից ՄԻԱՎ չի փոխանցվում:

Ինչպե՞ս է ՄԻԱՎ/ՉԻԱՀ-ն ազդում կանանց վրա

ՄԻԱՎ-ով վարակված կանայք ավելի հաճախ են ՉԻԱՀ-ով հիվանդանում, քան տղամարդիկ: Թերսնումն ու հղիության ծանր ընթացքը կնոջ համար դժվարություններ են ստեղծում՝ պայքարելու հիվանդության դեմ: Նրանք ավելի հաճախ են վարակվում ՄԻԱՎ-ով, քան տղամարդիկ: Երբ սեռական հարաբերությունների ընթացքում տղամարդու սերմնահեղուկն անցնում է կնոջ մարմնի մեջ, հեշտությամբ կարող է նրա արգանդից կամ վզիկից փոխանցվել մասն արյան մեջ, հատկապես այն դեպքում, եթե առկա են կտրվածքներ կամ վերքեր: Սա կարող է լինել՝ անկախ կնոջ հաշմանդամությունից:

ՄԱՍՆԳ ԼԻՆԵՆՈՒ ԻՍ ԻՐԱՎՈՒՆԵՐ

Թյուր կարծիքներ ՄԻԱՎ /ՁԻԱԿ-ի և հաշմանդամություն ունեցող կանանց մասին

Տարածված սխալ ու վնասակար կարծիքներից մեկն այն է, որ եթե վարակակիր անձը սեռական հարաբերություն ունենա կույսի հետ, ապա կբուժվի: Սրանով առաջնորդվելով՝ ՄԻԱՎ-ով վարակակիր տղամարդը սկսում է փնտրել հաշմանդամություն ունեցող կնոջ, կարծելով, թե նա կույս կլինի, և ինքը բուժվելու հնարավորություն կունենա: Իրականում բոլորովին էլ այդպես չէ:

Կույսի հետ սեռական հարաբերություն ունենալը միայն կտարածի ՄԻԱՎ-ը և չի բուժի վարակակիրին:

Որոշ ժամանակ առաջ ես հանդիպեցի մի տղամարդու: Նա ինձ ասաց, որ եթե որոշի արտամուսնական կապ ունենալ, այն կլինի միայն ինձ հետ: Երբ նրան հարցրի՝ ինչու՞, պատասխանեց, որ հաստատ համոզված է՝ ես չեմ հղիանա, և ՄԻԱՎ-ի վարակակիր չեմ:



8

Ինչպե՞ս իմանալ ՄԻԱՎ-ի վարակակիր լինելու մասին

ՄԻԱՎ թեստ

Երբ այս վարակն անցնում է արյան մեջ, իմունային համակարգը հարուցիչի դեմ պայքարելու համար սկսում է հակամարմիններ արտադրել: 2-4 շաբաթվա ընթացքում թեստը կարող է արյան մեջ հայտնաբերել դրանք: Սա ՄԻԱՎ-ը հաստատելու միակ եղանակն է:

ՄԻԱՎ թեստի դրական պատասխանը նշանակում է, որ դուք վարակակիր եք և նույնիսկ գերազանց ինքնազգացողության դեպքում այն կարող եք փոխանցել մյուսներին:

Քացասական պատասխանից կարող եք պարզել, որ.

- ՄԻԱՎ-ի վարակակիր չեք,
- կամ վերջերս եք վարակվել դրանով, սակայն օրգանիզմը դեռ չի արտադրել թեստի համար նկատելի բավարար հակամարմիններ:

Եթե թեստը տվել է բացասական պատասխան, բայց ունեք կասկածներ, ապա պետք է 6 շաբաթ անց նորից զննություն անցնեք: Երբեմն դրական պատասխանի դեպքում նույնպես կրկնակի թեստի անհրաժեշտություն է լինում: Փորձառու բուժաշխատողը կարող է ձեզ օգնել որոշում կայացնելու հարցում:

Ցուցում.

Թեստն ու խորհրդատվությունը կատարվում են միաժամանակ և դառնում առավել հասանելի: Բուժաշխատողին հարցրեք, թե ձեր համայնքում որտեղ կարող եք զննություն անցնել: Որոշ հիվանդանոցներում և առողջապահական կենտրոններում ՄԻԱՎ-ի արագ թեստը հիմնականում հասանելի է, բավականին մատչելի կամ՝

ՂԱՍԵՍԻՍԻԱՆ ԴՈՒՌՈՒՅՈՒՄ



անվճար: Մովորաբար թեստի պատասխանը հնարավոր է ստանալ հենց նույն օրը: Թեստավորման որոշ կենտրոններ կարող են տեղեկություն ապահովել բռայլյան այբուբենով կամ ժեստերի լեզվով:

Կարևոր է.


ՄԻԱՎ-ով վարակվելուց անմիջապես հետո կարող եք այն փոխանցել մյուսներին, նույնիսկ՝ լավ ինքնազգացողություն և առողջ տեսք ունենալու դեպքում: Տեղեկանալու միակ եղանակը ՄԻԱՎ թեստ անցնելն է:

Խորհրդավորություն

Թեստը պետք է կատարվի միայն՝

- ձեր թույլտվությամբ,
- այն դեպքում, երբ դրանից առաջ և հետո ապահովված է խորհրդատվությունը,
- գաղտնի, միայն դուք և վստահելի մարդիկ պետք է տեղեկանաք պատասխանի մասին:

ՄԻԱՎ-ով վարակակիրների և նրանց ընտանիքների համար խորհրդատվությունը կարող է նշանակել՝ տարբերություն ցանկության և հույսի միջև: Ինչպես ասում է ՄԻԱՎ-ով վարակակիր մի կին Քենիայից՝ «Երբ հանդիպում ես լավ խորհրդատուի, թվում է, թե բուժվել ես»:



ՄԱՍՏԻՆԻ ԼԻՆԵՆՈՒ ԻՍ ԻՐԱՎԱԿՈՒՆԵՐ

ՄԻԱՎ/ՉԻԱՀ-ի փորձված խորհրդատուն կարող է ձեզ օգնել՝ որոշելու՝ կա՞րողոք թեստ անցնելու անհրաժեշտություն, թե՞ ոչ:

Դրական պատասխանի դեպքում նրա խորհրդով կորոշեք՝ ում ասել այդ մասին և ինչպես ընդունել ձեր կյանքում կատարված փոփոխությունը:

Պահպանեք գաղպնիություն

Յուրաքանչյուր կին պետք է կարողանա ինքնուրույն որոշում կայացնել, թե ում և ինչպես ասի իր կարգավիճակի մասին: Կարևոր է, որ կանայք այդ թեմայով զրուցեն իրենց զուգընկերոջ կամ զուգընկերների հետ, որպեսզի նրանք ևս անցնեն թեստավորում և կարողանան պահպանել իրենց առողջությունը: Կանանցից ոմանք պատմում են իրենց ընտանիքներին և այն մարդկանց, ովքեր կարող են իրենց աջակցել: Բայց հաճախ նրանք վախենում են, որ համայնքում որևէ մեկը կտեղեկանա այդ մասին:

Հաշմանդամություն ունեցող կանանց համար դժվար է բուժաշխատողի հետ առանձնազրույց ունենալը, քանի որ.

- Բուժաշխատողին երբևիցե չեն սովորեցրել, որ նրանց պետք է վերաբերվել նույն հարգանքով, ինչպես մյուսներին:
- Բուժաշխատողը, առանց կնոջը տեղեկացնելու, կպատմի նրա ընկերներին և ընտանիքի անդամներին վերջինիս առողջական խնդիրների մասին, ներառյալ՝ ՄԻԱՎ-ի և սեռական ճանապարհով փոխանցվող հիվանդությունների: Սա հատկապես լինում է այն դեպքում, երբ կինն ունի հաղորդակցման խնդիր:
- Կնոջ ընտանիքի անդամները թույլ չեն տա, որ նա մենակ այցելի բուժաշխատողին:

Իմ խլության պատճառով ես միշտ գաղտնիության հետ կապված խնդիրներ եմ ունեցել, հատկապես՝ այն դեպքերում, երբ թարգմանչի օգնությամբ էի զրուցում բուժաշխատողի հետ: Այն թարգմանիչը, ով աշխատում է հիվանդանոցում, գիտի, որ այն, ինչի մասին ես և բուժաշխատողը զրուցում ենք, գաղտնի է և անձնական: Նա ոչ ոքի չի պատմի, նույնիսկ՝ այլ բուժաշխատողի:



Երբ ինձ հետ է լինում իմ սեփական թարգմանիչը, ես նրան նախազգուշացնում եմ, որ այն, ինչի մասին զրուցելու ենք ես և բուժաշխատողը, խիստ անձնական է: Ես փորձում եմ համոզվել, որ նա գիտակցում է թեստի պատասխանների գաղտնիությունը: Ես խնդրում եմ, որ նա ոչ մեկին չպատմի այդ մասին՝ առանց իմ թույլտվության, նույնիսկ՝ ընտանիքիս անդամներին:



Բուժեք ՄԻԱՎ/ՁԻԱՀ-ի առաջացրած առողջական խնդիրները

ՁԻԱՀ-ով անձը կարող է հեշտությամբ ձեռք բերել առողջական այլ խնդիրներ: Ահա որոշ ընդհանուր տեղեկատվություն դրանց մասին, բայց ավելի լավ է դիմել բուժաշխատողի կամ կարդալ «ՄԻԱՎ-ը, առողջությունը և ձեր համայնքը» գիրքը՝ մանրամասներին ծանոթանալու համար:

ՄԻԱՎ/ՁԻԱՀ-ի առաջացրած ընդհանուր առողջական խնդիրներն են.

Ջերմություն: Ջերմությունը հաճախ կարող է տատանվել: Դժվար է ասել՝ դրա իրական պատճառը բուժվող բորբոքումներն են, ինչպիսիք են թոքախտը, սեռական ներքին օրգանների բորբոքումները, մալարիան, թե՞ ՄԻԱՎ-ը: Եթե ջերմության պատճառը բորբոքումն է, ապա անպայման բուժեք այն:

Փորլուծություն: Սա կրկնվող երևույթ է, և այն դժվար է բուժել: ՁԻԱՀ-ով վարակված մարդկանց փորլուծության հիմնական պատճառը ՄԻԱՎ բորբոքումն է, կամ այն կարող է լինել որոշ դեղամիջոցների առաջացրած կողմնակի ազդեցությունների հետևանքով:

Մաշկային ցան և քոր: Հաճախ դժվար է գտնել սրանց առաջացման պատճառները: ՄԻԱՎ/ՁԻԱՀ-ի հետևանքով մաշկային խնդիրներ կարող են առաջանալ.

- Դեղորայքային ալերգիկ հակազդեցության պատճառով:
- Արյան անոթների քաղցկեղի կամ ավշային հանգույցներում Կապոշիի սարկոմա կոչվող գոյացությունների հետևանքով, որոնք մաշկի վրա առաջացնում են շագանակագույն կամ վարդագույն բծեր:



ՊԱՇՏՊԱՆԱԿԱՆ ԱՊՈՂՅՈՒՆՈՒԹՅՈՒՆ

- Ավշային հերպես, որը սովորաբար սկսվում է ցավոտ, պատռվող բշտիկային ցանի տեսքով: Այն հիմնականում լինում է դեմքի, մեջքի և կրծքավանդակի շրջանում:

Սրտխառնոց և սրտթափոց: Առաջանում են բորբոքումների, որոշ դեղամիջոցների, ստամոքսա-աղիքային խնդիրների կամ հենց ՄԻԱՎ-ի հետևանքով:



Հազ: Առկա է թոքային խնդիրների դեպքում, ինչպիսիք են թոքերի բորբոքումը կամ թոքախտը: Գրգռված կամ բորբոքված թոքերն արտադրում են մեծ քանակությամբ լորձ, որն էլ դառնում է հազի պատճառ:

Թոքախտ: Մանրէների պատճառով առաջացած լուրջ բորբոքում է, որն ազդում է թոքերի վրա: ՉԻԱՀ-ի և թոքախտի նախանշանները նման են միմյանց, բայց դրանք տարբեր հիվանդություններ են: Թոքախտով վարակված որոշ տղամարդիկ, կանայք և երեխաներ չեն ունենում ՉԻԱՀ: Բայց ՉԻԱՀ ունեցողը կարող է հեշտությամբ վարակվել թոքախտով, քանի որ օրգանիզմը շատ թույլ է՝ դրա դեմ պայքարելու համար: ՉԻԱՀ-ից մահացած երեք անձից մեկի մահվան պատճառը թոքախտն է:

Բերանի և կոկորդի հետ կապված խնդիրներ: Իրենց մեջ ներառում են գրգռվածություն, ճաքեր, վերքեր, բշտիկներ և սպիտակ բծեր լեզվի վրա:

Քաշի կորուստ և թերսնում: ՉԻԱՀ-ով վարակակիր անձը կարող է մշտական հիվանդության, փորլուծության, ախորժակի բացակայության, բերանի բորբոքումների և ուտելու ընթացքի հետ կապված դժվարության հետևանքով թերսնվել, որը կանխում է կերակրի սնուցիչների ներծծումն օրգանիզմի մեջ:

ՄԻԱՎ/ՉԻԱՀ-ի բուժումը

Ո՛չ ժամանակակից բժշկությունը, ո՛չ ավանդական բուժական համակարգը դեռևս չեն գտել բուժում ՉԻԱՀ-ի դեմ: Բայց կան շատ միջոցներ, որոնք կարող են օգնել վարակակիր մարդուն: Մաքուր ջուրը և հագուստը, հագեցած սնունդը, հանգստի և քնելու վայրերի մաքրությունը, ընտանիքի ու ընկերների լավ վերաբերմունքը կարող են օգնել, որ նա պահպանի իր առողջությունը: Այն սնունդը, որն օգտակար է առողջ մարդուն, անհրաժեշտ է և օգտակար նաև վարակակիր անձնավորությանը:



Չնայած ՉԻԱՀ-ը բուժում չունի, բայց ներկայումս կան հակառետրովիրուսային դեղամիջոցներ, որոնք շատ օգտակար են վարակակիր անձանց համար: Դրանք ամրացնում են հիվանդի իմունային համակարգը, ուստի նա կարող է դիմակայել վարակին և պահպանել իր առողջությունը: Սակայն ՄԻԱՎ-ն անբուժելի է: Հարուցիչի որոշ քանակություն միշտ մնում է օրգանիզմում, և վարակակիր անձը կարող է այն փոխանցել այլ անձնավորության:

Լավ բուժօգնություն ստանալը հաճախ դժվար է հաշմանդամություն ունեցող կանանց համար, իսկ ՄԻԱՎ-ով վարակակիրներն այս հարցում առավել դժվարությունների են հանդիպում: Բուժաշխատողները, հնարավոր է, չկամությամբ թեստավորեն կամ բուժեն կանանց, քանի որ կարծում են, թե նրանք չեն կարող վարել

ՇՊՂՍԻՈՂԿ ՈՎ ՍՄԳՂԳԿ ԵՄ ԻՐԱՎՈՒՆԵՐ

սեռական կյանք, վարակվել ՄԻԱՎ/ՁԻԱՀ-ով, իսկ վարակվելու դեպքում էլ շատ շուտ կմահանան:

Բայց հաշմանդամություն ունեցող կանայք նույնպես գտնվում են ՁԻԱՀ-ով վարակվելու վտանգի առաջ, ինչպես մյուսները, և բուժման դեպքում կապրեն երկար և առողջ կյանքով:

Հակառետրովիրուսային թերապիա: ՀՌԹ

Սա նշանակում է՝ օրական առնվազն երկու անգամ ընդունել 3 հակառետրովիրուսային դեղամիջոցների համակցություն: Երբ ՁԻԱՀ-ով վարակակիրը սկսում է ընդունել դեղորայք, պետք է այդ անի պարտաճանաչորեն, ամեն օր: Հակառետրովիրուսային թերապիայի ընթացքում կավելանա կնոջ քաշը, նա ավելի առողջ տեսք և լավ ինքնագզացողություն կունենա: Իսկ եթե ընդհատում է բուժումը, կորցնում դեղորայքի չափաբաժինը կամ այն ընդունում է տարբեր ժամերի, ապա հիվանդությունը կրկին գլուխ կբարձրացնի և կթուլացնի օրգանիզմը:

Չնայած այն փաստին, որ բուժման այս տեսակը թանկարժեք է, որոշ երկրներում այն դառնում է ավելի մատչելի և հասանելի: Կառավարությունը կամ առողջապահական այլ ծրագրեր կարող են առաջարկել մատչելի կամ անվճար հակառետրովիրուսային թերապիա:

Նույնիսկ այս դեպքում, շատ երկրներում ՄԻԱՎ/ՁԻԱՀ-ի դեղորայքը մատչելի չէ շատերին: Հարուստ երկրներում հզոր դեղագործական ընկերությունները շատ հաճախ խոչընդոտում են մյուս տարածքներում առավել էժանագին դեղամիջոցների արտադրությունը: Սա խանգարում է վարակակիր միլիոնավոր կանանց՝ ձեռք բերելու անհրաժեշտ դեղամիջոցներ:

8
ՊԱՇՏՊԱՆԱԿԱՆ ԱՊՈՂՈՑՈՒԹՅՈՒՆ

Որոշ վարակիչ հիվանդությունների դեղորայքային կանխարգելումը
 ՄԻԱՎ/ՁԻԱՀ-ով վարակակիրների դեպքում քուրբիմոքսազոլի ընդունումն օգնում է կանխել թոքաբորբը, փորլուծությունը և այլ հիվանդություններ: Դուք կարող եք սկսել այս դեղամիջոցի ընդունումը, եթե խնդիրներ ունեք քաշի կորստի հետ, շրթունքների վրա առաջացել են վերքեր և ճաքեր, ցան, որը զուգորդվում է բորով, քերանային խոցերով կամ համախառն հարբուխով:

Բուժում
 Խմեք 960գ քուրբիմոքսազոլ (կրկնակի չափաբաժին) ամեն օր, ջրի մեծ քանակության հետ միասին: Հնարավորության դեպքում ընդունեք դեղորայքը՝ անկախ չե՛ր ինքնագզացողությունից:

Կարևոր է.
 ՁԻԱՀ-ով վարակակիրների համար քուրբիմոքսազոլի դեմ հակազդեցությունը բնական է: Դադարեցրեք դրա ընդունումը, եթե առաջացնում է մաշկային նոր ցան կամ դեղորայքային ալերգիայի այլ նախանշաններ:

Որոշ կանայք, նախքան հակաբորբոքայինների ընդունելը, ունենում են սեռական օրգանների ավելի լուրջ սնկային բորբոքում: Յոգուրտ կամ թթվասեր ուտելը, կամ ջրային լոգանքը, որում առկա է յոգուրտի կամ քացախի որոշ քանակություն, կարող են օգնել:

Որոշ երկրներում խորհուրդ է տրվում ընդունել դեղամիջոցներ՝ թոքախարը կանխելու համար: Այս թեմայով զրուցեք փորձառու բուժաշխատողի հետ:

Լավ սնվելը

ՁԻԱՀ-ը խանգարում է լավ մարսողությանը, ազդում ախորժակի վրա, այդ պատճառով էլ մարդը սկսում է նիհարել: Սա կարող է լինել նաև դեղորայքի կողմնակի ազդեցությունների, բերանի և կոկորդի բորբոքումների, փորլուծության և դժվարամարս ճարպերի հետևանքով:



Հատկապես կարևոր է վարակակիրների լավ սնվելը, որպեսզի չունենան քաշի կորուստ, և օրգանիզմն ու իմունային համակարգը լինեն հնարավորինս առողջ: Ուստի փորձեք ձեր ճաշացանկի մեջ ներառել բազմազան և որակյալ մթերքներ, խմեք մաքուր ջուր և ամեն օր օգտագործեք մուլտիվիտամիններ: Հնարավորության դեպքում ընդունեք հավելյալ A, C և E վիտամիններ, քան որ դրանք դանդաղեցնում են ՄԻԱՎ հարուցիչի զարգացումը օրգանիզմում:

Վիտամին A պարունակող մթերքներն են՝ գազար, մանգո, պապայա, քաղցր կարտոֆիլ, կաթ, ձու և մուգ կանաչ տերևներով բանջարեղեն (գանգրակադամբ, սպանախ, շաղգամ):

Վիտամին C-կարմիր և կանաչ պղպեղ, մուգ կանաչ տերևներով բանջարեղեն (գանգրակադամբ, շաղգամ, մանանեխ և սպանախ), նարինջ, դեղին և կարմիր մրգեր:

Վիտամին E-ձու, նուշի յուղ, եգիպտացորեն, արմավենու ընկույզներ, գետնանուշ, արևածաղկի սերմ, ցորենի հատիկներ և ձիթապտուղ:

Ախորժակի բացակայության դեպքում, հնարավոր է, ձեզ համար հեշտ լինի առավոտյան մեծ չափաբաժնով սննդի ընդունումը: Կամ կարող եք նախընտրել քիչ քանակությամբ սնունդ՝ օրական 6-8 անգամ: Սնվելիս սառը հեղուկների գործածությունը առավել դյուրին է դարձնում կլման ակտը:

ՄԱՐԿԻՆԻ ԿԵՆՏՐՈՆ ԻՍ ԻՐԱՎՈՒՆԵՐ

Ես ՁԻԱՀ-ի վարակակիր եմ, բայց կարող եմ ընդունել լավ սնունդ, մաքուր ջուր և դեղամիջոցներ: Ինձ լավ են զգում և շարունակում եմ կատարել իմ աշխատանքը: Փոստատանը տեսակավորում և դասավորում եմ նամակները:

Համակերպվենք ՄԻԱՎ/ՁԻԱՀ-ով ապրելուն

Դուք առողջ կմնաք, եթե.

- Խմեք մաքուր, ապահով ջուր և սրնունդը պատրաստեք դրանով:
- Խուսափեք հում բանջարեղենից, քանի որ այն դյուրամարս չէ, կարող է պարունակել մանրէներ:



- Ընդունեք հեղուկի մեծ քանակություն և հետևեք, որ ձեր օրգանիզմում չառաջանան ջրազրկման նախանշաններ:
- Քնեք օրական առնվազն 8 ժամ, իսկ հոգնածության զգալու դեպքում՝ հանգստացեք:
- Ժամանակ անցկացրեք ընկերների և ընտանիքի հետ:

- Արեք այն, ինչը ձեզ հաճույք է պատճառում: Բարձր տրամադրությունը բուժման մի մասն է:
- Մի՛ հուզվեք: Հոգեկան լարվածությունը կարող է վնասել ձեր իմունային համակարգը:
- Ջրադվեք առօրյա գործերով և փորձեք լինել առավել եռանդուն:
- Հնարավորինս մարզվեք:
- Խուսափեք ծխախոտից, ալկոհոլից և դեղորայքից:
- Հաճախակի լվացվելով՝ կանխեք վարակները:
- Վարեք ապահով սեռական կյանք, քանի որ բորբոքումներն ու հղիությունը թուլացնում են իմունային համակարգը:
- Շուտ արձագանքեք խնդիրներին, որպեսզի կանխարգելվի նոր հիվանդությունների առաջացումը:
- Փորվածությունը կանխելու համար ընդունեք քոտրիմոքսազոլ:
- Այն վայրերում, ուր տարածված է մալարիան, քնեք անկողնային քողի տակ:

Պայքարեք հիվանդությունը տարածող պատճառների, ոչ թե վարակակիրների դեմ: Խտրականությունը խոչընդոտում է մարդկանց կանխելու վարակի տարածումը:



ՄԻԱՎՉԻԱՀ-ի խարանք

Որոշ համայնքներում ՄԻԱՎ կամ ՉԻԱՀ ունեցողներին ստիպում են ամաչել: Նրանց հետ ոչ ոք չի հաղորդակցվում, որովհետև մտածում են՝ վարակակիր անձն ու նրա ընտանիքը խայտառակում են համայնքը:

Հազարավոր վարակակիրներ թաքցնում են իրենց կարգավիճակը՝ վախենալով ընկերների, ընտանիքի և հարևանների արձագանքից, եթե նույնիսկ վարակվել են ոչ պատահական հարաբերության հետևանքով:

Նրանցից ոմանք և ընտանիքները ամոթի ու խայտառակության պատճառով իրենց համայնքից օգնություն չեն խնդրում: Սա կարող է խոչընդոտել վարակակիր անձի՝ օգնություն և բուժում ստանալուն, նույնիսկ այն դեպքում, եթե դեղորայքը հասանելի է, որը և թույլ կտա նրան ապրել ավելի երկար և առողջ կյանքով:

Վարակի կանխումը տնային պայմաններում

Ոմանք կարծում են, թե ՄԻԱՎ-ը հեշտությամբ է տարածվում: Սակայն այդպես չէ: Այս ուղեցույցներին հետևելիս հիշեք, որ չկա ՄԻԱՎ կամ հեպատիտ ձեռք բերելու և տարածելու ոչ մի վտանգ հենց վարակակիր անձից կամ նրան շրջապատողներից:

- Որևէ մեկի հետ մի օգտագործեք ամեխիներ, ասեղներ, կտրող այլ գործիքներ և ատամի խոզանակներ: Եթե ստիպված եք նրա հետ զուգահեռ օգտագործել նույն պարագաները, ապա նախապես դրանք 20 րոպե եռացրեք:
- Վերքերը վիրակապեք մաքուր կտորով: Բոլորը, անկախ նրանից, ՄԻԱՎ-ի կամ հեպատիտի վարակակիր են, թե ոչ, պետք է հետևեն այս խորհրդին:
- Թաղեք կամ այրեք բոլոր այն վիրակապերը, որոնք այլևս լվացման ենթակա չեն:



ՆԵՌԱԿԱԼ ԱՌՈՂՋՈՒԹՅՈՒՆ

- Խուսափեք օրգանական հեղուկներին ձեռքով դիպչելուց: Անմաքուր վիրակապերը, կտորները, արյունը, փխսուքը կամ կղանքը թափելու համար օգտագործեք թուղթ, ռետինե ձեռնոցներ կամ մեծ տերևներ:
- Կեղտոտ շորերն ու անկողնային պարագաները փոխելուց հետո լվացվեք մաքուր ջրով և օճառով: Դրանք լվանալու համար պետք է.
 - Հեռու պահել մեկ ուրիշի անկողնային պարագաներից:
 - Առանձին լվանալ կտորի այն հատվածը, որի վրա առկա են օրգանական հեղուկներ:
 - Լվանալ օճառաջրով, փռել չորանալու, հնարավորության դեպքում՝ արևին, և ծախել կամ արդուկել, ինչպես արվում է սովորաբար:
- Անկողնային պարագաները լվանալու ընթացքում օգտակար է, բայց ոչ պարտադիր, որ կրեք ձեռնոցներ կամ ռետինե պարկեր:

ՄԻԱՎ-ը կանխելու այլ եղանակներ

Սեռական ճանապարհով փոխանցվող հիվանդությունները բուժեք վաղ շրջանում: Բորբոքում ունենալու դեպքում ավելի է մեծանում ՄԻԱՎ-ով կամ այդ ճանապարհով փոխանցվող այլ վարակների հավանականությունը:


- Ներարկում ստանալուց առաջ համոզվեք, որ գործիքները մանրէազերծված են: Բուժաշխատողները չպետք է կրկնակի օգտագործեն ասեղներն ու ներարկիչները:
- Երբեք որևէ մեկի հետ զուգահեռ մի օգտագործեք ասեղ կամ ներարկիչ, եթե նախօրոք 20 րոպե չեն եռացվել կամ ախտահանվել:
- Համոզվեք, որ կտրվածքներ, ականջի դակում, ասեղնաբուժություն կամ ավանդական այլ եղանակներ, ինչպիսին է դաջվածքը, կատարող գործիքները եռացվել են առնվազն 20 րոպե:
- Չգուշացեք օրգանական հեղուկներից, ինչպիսիք են արյունը, փխսուքը, կղանքը կամ մեզը:
- Ցանկացած արյուն պետք է անցնի ստուգում՝ ՄԻԱՎ-ը և հեպատիտը հերքելու համար: Նույնիսկ այդ դեպքում խուսափեք արյան փոխներարկումից, եթե չկա կյանքին սպառնացող վտանգ:

Ապահով սեռական հարաբերություն

Մեծամասամբ ՄԻԱՎ-ը և այլ վարակներ փոխանցվում են սեռական ճանապարհով:

Դուք կարող եք պաշտպանվել դրանցից, եթե տեղեկացված լինեք ապահով սեռական հարաբերության, հարգանքի, պահպանակների հասանելիության և ձեր զուգրնկերոջ հետ մտերմության մասին:

Այն կանանց համար, ովքեր չեն կարող կամ ում չեն թույլատրում որոշումներ կայացնել իրենց սեռական կյանքին վերաբերող հարցերում, կարող է դժվարանալ վարակներից



ՄԱՍՈՂԸ ԼԻՆԵՆՈՒ ԻՍ ԻՐԱՎԱՊՈՒՆԵՐ

խուսափելը: Հնարավոր է՝ ամաչեք կամ վախենաք ձեր գույրնկերոջն ասել, որ պահպանակ օգտագործի, կամ ստիպված լինեք սեռական հարաբերություն ունենալ նրա պահանջով: Հնարավոր է նաև, որ անտեղյակ լինեք նրա վարած անկանոն սեռական կյանքին:

Յուրաքանչյուր կին կարիք ունի տեղեկացված լինելու ապահով սեռական կյանքի մասին:

Ապահով սեռական հարաբերության եղանակները

Այս դեպքում պետք է գործածել պատնեշային եղանակը (օրինակ՝ պահպանակը): Այն կկանխի սերմնահեղուկի անցումն այլ օրգանիզմ կամ այնպիսի սեռահարաբերությունը, որը կնվազեցնի վարակի փոխանցման հավանականությունը:

Հեշտոցային եղանակը սեռական հարաբերությունների ամենատարածված ձևն է: Սակայն զույգը կարող է փոխանցել և ստանալ սեռական հաճույք՝ տարբեր զրույցների և փաղաքշանքների միջոցով: Եթե ձեր գույրնկերը չի ցանկանում պահպանակ օգտագործել, ապա կարող եք փորձել այլ, սեռական հարաբերության ավելի ապահով եղանակ: Սա կարող է հաճելի լինել ձեր գույրնկերոջը և ապահով՝ ձեզ համար:

Շատ ապահով

- Ընդհանրապես խուսափեք սեռական հարաբերություններից: Դրանց բացակայության դեպքում դուք չեք ենթարկվի սեռական ճանապարհով վարակվելու վտանգին: Երիտասարդ տարիքում որոշ կանանց համար սա կարող է լինել լավագույն տարբերակը, իսկ ոմանց համար՝ անհնար և ոչ ցանկալի:
- Սեռական հարաբերություններ ունեցեք միայն մեկ գույրնկերոջ հետ, այն դեպքում, երբ համոզված եք, որ ձեզ չի դավաճանում և հաստատ գիտեք (թեստի միջոցով), որ ձեզանից ոչ մեկը նախորդ գույրնկերոջից չի վարակվել:
- Բավարարվեք միմյանց փաղաքշելով:

Ապահով

- Հարաբերություն ունենալիս անպայման օգտագործեք կանացի կամ տղամարդու լատեքսե պահպանակներ:
- Կնոջ և տղամարդու միջև սեռական հարաբերության որոշ տեսակներ ավելի ապահով են, քան մյուսները, օրինակ՝ համբուրվելը և շփումը:
- Հարաբերություններն առանց պահպանակի շատ վտանգավոր են:
- Եթե տղամարդը խուսափի սերմնաժայթքումից, կնվազի ՄԻԱՎ-ով վարակվելու վտանգը:
- Խուսափեք չոր սեռական հարաբերությունից: Եթե հեշտոցը չոր է, մեծանում է պատռվածքի առաջացման և բորբոքման հավանականությունը: Օգտագործեք թուրք, սպերմիցիդներ կամ քսուքներ: Պահպանակ օգտագործելու դեպքում խորհուրդ չի տրվում գործածել յուղեր, քսուքներ կամ վազելին, քանի որ դրանց պատճառով այն կարող է պատռվել:

Սեռական հարաբերությունը և դաշտանը

Այս ընթացքում խորհուրդ է տրվում խուսափել հարաբերությունից, մինչև հաստատ համոզվեք, որ դուք կամ ձեր գույրնկերը ՄԻԱՎ/ՁԻԱՀ-ի կամ այլ հիվանդության վարակակիր չեք: Եթե ՄԻԱՎ-ի վարակակիր եք, ապա հարուցիչը կթափանցի և՛ հեշտոցային սեկրեցիայի (արտազատման), և՛ արյան մեջ: Սա մեծացնում է ձեր

գուզրնկերոջ վարակվելու հավանականությունը: Եթե նա վարակված է, իսկ դուք՝ ոչ, ապա դրա վտանգն ավելի է մեծանում դաշտանի ընթացքում: Պահպանակ օգտագործելու դեպքում այն կրճատվում է:

Կատարենք փոփոխություններ

- Սեռական ճանապարհով փոխանցվող վարակն ու ՄԻԱՎ/ՉԻԱՀ-ը ողջ համայնքի խնդիրն են՝ ներառյալ հաշմանդամություն ունեցող կանանց: Երբեմն հաշմանդամություն ունեցողների խմբերը կարծում են, թե կարիք չկա մտահոգվելու սեռական առողջության համար: Բայց սեռական դաստիարակությունը կարող է մարդկային կյանքեր փրկել:
- Սեռական առողջության և այդ ճանապարհով փոխանցվող հիվանդությունների մասին տեղեկատվությունը պետք է հասանելի լինի բոլորին՝ ներառյալ հաշմանդամություն ունեցող կանանց: Օրինակ՝ ՄԻԱՎ/ՉԻԱՀ-ի կանխարգելման մասին տեղեկատվությունը, որն հաճախ տարածվում է ռադիոյի կամ տպագիր թերթիկների միջոցով, պետք է մատչելի լինի նաև խուլ և կույր կանանց:

Հաշմանդամություն ունեցողներին ապահովեք ՄԻԱՎ/ՉԻԱՀ-ի և սեռական առողջության մասին տեղեկատվությամբ:



Ի՞նչ կարող են անել հաշմանդամություն ունեցող կանայք

- Հանդիպեք նրանց խնամակալներին, ընտանիքի անդամներին և բացատրեք, թե որքան կարևոր է սեռական դաստիարակությունը բոլորի համար:
- Աշխատեք բուժաշխատողների և ՄԻԱՎ/ՉԻԱՀ-ի խընդրով զբաղվող այլ խմբերի հետ՝ համոզվելու, որ այդ ծառայություններից օգտվում են նաև հաշմանդամություն ունեցողները:
- Եթե որևէ մեկի կողմից ենթարկվել եք սեռական բռնության, ապա դրա մասին պատմեք նրան, ում վստահում եք՝ ընտանիքի անդամին, հարևանին կամ բուժաշխատողին:



Ի՞նչ կարող են անել խնամակալներն ու ընտանիքները

Համոզվեք, որ հաշմանդամություն ունեցող կանայք տեղեկացված են ՄԻԱՎ/ՉԻԱՀ-ի և սեռական ճանապարհով փոխանցվող այլ վարակների մասին: Տեղեկատվությունը կազմակերպեք հարգալից և գաղտնի պայմաններում:

Օգնեք հաշմանդամություն ունեցող երեխաների ծնողներին՝ հասկանալու, որ երբ նրանք մեծանան, կցանկանան սեռական կյանք վարել մյուսների նման:

ՄԱՍՆԶ ԼԻՆԵՆՈՒ ԻՄ ԻՐԱՎԱԿՈՒՆԲԸ

Համայնքների դերը

Շատ կարևոր է, որ համայնքում բոլորը տեղեկացված լինեն ՄԻԱՎ/ՉԻԱՀ-ի և սեռական ճանապարհով փոխանցվող այլ հիվանդությունների տարածման և կանխարգելման մասին: Այդ դեպքում մարդիկ կգիտակցեն, որ դա կարող է լինել և իրենց կյանքում, ու կձեռնարկեն կանխարգելիչ միջոցներ: Նրանք կհասկանան, որ հաշմանդամություն ունեցող կանայք իրենց պես զգում են նույն ծառայությունների կարիքը:

Պայքարեք հիվանդություններ տարածող պատճառների, ոչ թե վարակակիրների դեմ: ՄԻԱՎ/ՉԻԱՀ-ի և սեռական ճանապարհով փոխանցվող վարակների կանխարգելումն ավելի արդյունավետ կլինի, երբ պայքարն ընթանա սոցիալական և տնտեսական այն պայմաններում, որոնք թույլ կտան կանանց՝ ներառյալ հաշմանդամություն ունեցողներին, ինքնուրույն որոշումներ կայացնել: Որպեսզի աշխատանք գտնելու համար ընտանիքները ստիպված չլինեն բաժանվել, իսկ շատերը՝ զբաղվել մարմնավաճառությամբ:

- Համոզվեք, որ բոլորին հասանելի են սեռական առողջության մասին տեղեկատվությունն ու ծառայությունները, ինչպես նաև՝ լատեքսե պահպանակները՝ համայնքում ՄԻԱՎ-ի և սեռական ճանապարհով փոխանցվող այլ հիվանդությունների տարածումը կանխելու համար:
- Համոզվեք, որ ՄԻԱՎ/ՉԻԱՀ-ով վարակակիր անձանց հասանելի են անհրաժեշտ դեղամիջոցները, մաքուր ջուրը և սննդարար մթերքները:
- Կրթեք համայնքի անդամներին, որ կանխեն հաշմանդամություն ունեցող կանանց և աղջիկների նկատմամբ սեռական բռնությունը և գիտակցեն, որ հաշմանդամություն ունեցող անձի հետ սեռական հարաբերություններն իրենց չեն բուժի ՉԻԱՀ-ից:

Քուժաշխատողի համար

Ներառեք հաշմանդամություն ունեցող կանանց սեռական դաստիարակության դասընթացներում և խմբերում: Հնարավորություններ փնտրեք, որպեսզի առողջության մասին տեղեկատվությունն ավելի հասանելի լինի նրանց խմբերի համար: Միշտ հարգեք նրանց՝ անձնական հարցերում գաղտնիության իրավունքը: Կնոջ խնդրի մասին երբեք մի գրուցեք մյուսների հետ՝ նույնիսկ ընտանիքի անդամների, մինչև ինքը չտա իր



8
ՊԱՇՏՊԱՆԱԿԱՆ ԱՌՈՂՋՈՒԹՅՈՒՆ

համաձայնությունը:

- Բացատրեք, թե ինչպես են տարածվում ՄԻԱՎ/ՁԻԱՀ-ն ու սեռական ճանապարհով փոխանցվող այլ վարակները, և թե ինչպես կարելի է կանխարգելել դրանք:
- Ցույց տվեք, թե ինչպես են օգտագործում կանանց և տղամարդկանց պահպանակները:
- Տեղեկացրեք հաշմանդամություն ունեցող կանանց ՄԻԱՎ-ի դեմ օգտագործվող որոշ դեղամիջոցների առաջացրած հնարավոր խնդիրների մասին:
- Որևէ խնդիր ունեցող կնոջ հանդիպելիս՝ պարզեք՝ չի՞ ենթարկվում, արդյոք, սեռական բռնության:
- Համոզվեք, որ նրանց հասանելի են ՄԻԱՎ-ի խորհրդատվությունն ու թեստերը:

Բուժաշխատողները հաշմանդամություն ունեցող երեխաների ծնողներին կարող են տեղեկացնել, որ եթե նրանք տեղյակ լինեն սեռական ճանապարհով փոխանցվող վարակիչ հիվանդություններին և ՄԻԱՎ/ՁԻԱՀ-ին, ապա հետագայում սեռական կյանք վարելիս ավելի ճիշտ